

AUGLÝSING

66

24. júlí

um skipun og skipting starfa ráðherra o. fl.

Eftir tillögu forsætisráðherra og samkvæmt 15. gr. stjórnarskrárinnar hefur forseti Íslands í dag sett eftirfarandi ákvæði um skipun og skipting starfa ráðherra o. fl.

- I. Forsætisráðherra Hermann Jónasson.** Undir hann heyra eftirgreind mál: Stjórnarskráin, mál, er varða forsetaembættið, Alþingi, nema að því leyti sem öðruvísi er ákveðið, almenn ákvæði um framkvæmdastjórn ríkisins, skipun ráðherra og lausn, forsæti ráðuneytisins, skipting starfa ráðherranna, mál, er varða stjórnarráðið í heild, hin íslenska fálkaorða og önnur heiðursmerki, Þingvallanefnd og mál varðandi meðferð Þingvalla. Ríkisbúið á Bessastöðum. Kirkjumál. Dómaskipan, dómsmál, önnur en félagsdómur, þar undir framkvæmd refsíðna, hegninga- og fangahús, tillögur um náðun, veiting réttarfarslegra leyfisbréfa, málflutningsmenn, lögreglumálefni, þ. á m. gæzla landhelginna, áfengismál, strandmál, sífjaréttarmál, erfðaréttarmál, persónuréttarmál, eignarréttarmál, yfirfjárráðamál, lög um kosningar til Alþingis og kjördæmaskipting, umsjón með framkvæmd alþingiskosninga, ríkisborgararéttur, útgáfa Stjórnartíðinda og Lögbirtingablaðs, húsameistari ríkisins. Landbúnaðarmál, þ. á m. útflutningur landbúnaðarafurða, ræktunarmál, þ. á m. skógræktarmál og sandgræðslumál, búnaðarfélög, búnaðarskólar, garðyrkjuskólar, húsmæðraskólar í sveitum, dýralækningamál, þjóðjarðamál, Áburðarverksmiðjan h.f., Búnaðarbanki Íslands. Enn fremur rafmagnsmál, þ. á m. rafmagnsveitur ríkisins og rafmagnseftirlit, vatnamál, þar undir sérleyfi til vatnsorkunotkunar, jarðboranir eftir heitu vatni og gufu. Náturekstur. Vega- og brúamál.
- II. Ráðherra Eysteinn Jónsson.** Undir hann heyra fjármál ríkisins. Þar undir skattamál, tollamál og önnur mál, er varða tekjur ríkissjóðs, svo sem ef verzlun er rekin til að afla ríkissjóði tekna, undirskrift ríkisskuldabréfa, fjárlög, fjárukaalög og reikningsskil ríkissjóðs, hin umboðslega endurskoðun, embættisveð. Eftirlit með innheimtumönnum ríkisins, laun embættismanna, eftirlaun, lífeyrir embættismanna og ekkna þeirra, peningamál, þar undir peningasláttu. Yfirleitt fer þessi ráðherra með öll þau mál, er varða fjárhag ríkisins eða landsins í heild, nema þau eftir eðli sínu eða sérstöku ákvæði heyri undir annan ráðherra. Framkvæmdabanki Íslands. Hagstofan. Mæling og skrásetning skipa. Samgöngumál, önnur en vega- og brúamál, þar undir vita- og hafnamál. Strandferðir. Flugmál, þ. á m. flugvallarekstur. Póst-, síma- og loftskýtamál. Kaupfélög og samvinnufélög.
- III. Ráðherra Guðmundur Í. Guðmundsson.** Undir hann heyra utanríkismál, framkvæmd varnarsamningsins, þ. á m. lögreglumál, dómsmál, tollamál, póst- og símamál, flugmál, radarstöðvarnar, heilbrigðismál, félagsmál og önnur þau mál, er leiða af dvöl hins erlenda varnarliðs í landinu. Gildir þetta um varnarsvæðin og mörk þeirra. Veðurstofan. Almannatryggingar og Brunabótafélag Íslands.
- IV. Ráðherra dr. Gylfi Þ. Gíslason.** Undir hann heyra menntamál, þar undir skólar, sem ekki eru sérstaklega undan teknir, útvarpsmál og viðtækjaverzlun. Menntamálaráð Íslands, Þjóðleikhús og önnur leiklistarmál, tónlistarmál, kvikmyndar-

66
24. júlí

mál, söfn og aðrar menningarstofnanir, sem reknar eru eða styrktar af ríkinu. Atvinnudeild háskólans, Rannsóknarráð ríkisins. Önnur mál, er varða vísindi og listir. Barnaverndarmál. Skemmtanaskattur. Félagsheimilaskjöldur. Íþróttamál. Bókasöfn og lestrarfélög. Iðju- og iðnaðarmál, þar undir Iðnaðarbanki Íslands, Iðnaðarmálastofnun Íslands, útflutningur iðnaðarvara, sementsverksmiðja ríkisins. Landssmiðjan, iðnskólar, iðnaðarnám, iðnfélög, öryggiseftirlit. Einkaleyfi. Ríkisprensmiðjan Gutenberg. Efnahagssamvinnan (OEEC), alþjóðafjár-
málastofnanir og erlend tæknaístoð.

V. Ráðherra Hannibal Valdimarsson. Undir hann heyra félagsmál, þau, sem eigi eru í úrskurði þessum falin öðrum ráðherrum, atvinnubótamál, atvinnuleysis-
tryggingar, vinnudeilur, sveitarstjórnar- og framfærslumál. Barnaheimili. Fé-
lagsdómur. Almenn styrktarstarfsemi, þar undir styrkveitingar til berklasjúk-
linga og annarra sjúklinga, sem haldnir eru langvinnum sjúkdómum, sjúkra-
sjóðir, ellistyrktarsjóðir, öryrkjasjóðir, slysatryggingasjóðir, lífsábyrgðarsjóðir
og aðrir tryggingasjóðir, nema sérstaklega séu undan teknir. Húsnæðismál, þar
undir byggingafélög. Mælitækja- og vogaráhaldamál. Heilbrigðismál, þar undir
sjúkrahús og heilsuhæli. Verðlagsmál. Stýrimannaskólinn. Matsveina- og veit-
ingabjónaskólinn. Verzlunarnám.

VI. Ráðherra Lúðvík Jósepsson. Undir hann heyra sjávarútvegsmál, þar undir
Fiskifélagið, Fiskimálasjóður og Fiskveiðasjóður Íslands, síldarútvegsmál (síld-
arverksmiðjur og síldarútvegsnefnd), sjávarvöruiðnaður og útflutningur sjá-
varafurða. Almenn siglingamál, þar undir atvinna við siglingar. Skipaskoðun
ríkisins, Eimskipafélag Íslands h.f. Önnur atvinnumál, sem ekki eru sérstak-
lega í úrskurði þessum falin öðrum ráðherrum. Viðskiptamál, sem ekki eru
í úrskurði þessum falin öðrum ráðherrum, þar undir útflutningsverzlun og
gjaldeyrismál. Innkaupastofnun ríkisins.

Skipun og starfsemi nefndar, er geri tillögur um öflun nýrra atvinnutækja og
dreifingu þeirra um landið, svo og öflun atvinnutækjanna, heyrir undir ríkisstjórn-
ina sameiginlega.

Bankamál heyra undir ríkisstjórnina sameiginlega að því leyti, sem einstakir
bankar heyra ekki samkvæmt úrskurði þessum undir einstaka ráðherra.

Ráðherrafundi skal halda um nýmæli í lögum og mikilvæg stjórnarmálefni.
Svo skal og ráðherrafundi halda, ef einhver ráðherra æskir að bera þar upp mál.

Með úrskurði þessum er úr gildi felldur forsetaúrskurður frá 11. sept. 1953,
um skipun og skipting starfa ráðherra o. fl., og breyting á þeim úrskurði frá 2. júlí
1954.

Þetta birtist hér með öllum þeim, er hlut eiga að máli.

Forsætisráðuneytið, 24. júlí 1956.

Hermann Jónasson.

Birgir Thorlacius.